


pren yu go we ?

em i no rot

em nus bilong mi



Namba 20

Trinde, Me 19, 1971

Prais 10¢



PLANTI

NUPELA

ILEKTORET

LUKIM PES 6



LAISENS

BILONG WOK

LUKIM PES 4

ASUA BILONG PAPA
WANTAIM KAUNASIL

LUKIM PES 11



PAS LIKAM LONG EDITA

Sapos yu gat tok yu raitim sotpela tasol. Sapos yu raitim longpela bai mipela i sotim. Yu mas raitim nem bilong yu tru long olgeta pas i kam long mipela. Sapos yu no laik mipela primum nem bilong yu tru, orait yu raitim arapela nem bilong yu tu.

Papa Na Mama i Ting Se Maski Skul

Dia Edita.- Mi laik askim long wanem samting em "Skul"? Yes mi ting skul em i wanpela gutpela samting bilong kirapim kantri bilong yumi Papua New Guinea.

Mi harim long nius olsem bai yumi kisim selp gavman liklik taim tasol na bai yumi olsem wanem?

Mi ting planti papa na mama ol i ting se skul em i samting nating long ol.



Maritim Ol Waitskin

Dia Edita.- Yes mi lukim wanpela pasin i no stret long ol meri long Papua Nu Gini i save maritim ol waitskin, na sampela i save kisim ol waitskin pikinini long rot. Plis ol meri yupela i mas tingting liklik long bihaintaim. Long wanem mi ting em i no gutpela pasin bambai kantri bilong yumi i gat waitskin tasol na i no gat blakskin.

Long tingting bilong mi olsem mi laik blakskin i stap long kantri bilong yumi. Na tu bai yumi ken amamas long skin bilong yumi na long kala bilong skin i mas i stap blak. Na i no ken kala bilong skin i senis.

Leo M. Jima

Biwat

Long hap mi stap long en long Lauring P.T.S. long Kandrian Sap Distrik ol manki ol i no save kamap gut tru long skul.

Dispela em i no asua bilong pikinini, nogat. Em i asua bilong papa na mama bilong ol.

Mi ting bai olgeta hap ol i kirapim strong long skul na dispela hap bai ol i wok long bikhet tasol olsem i go inap taim bilong selp gavman.

Alois Salkot
Lauring Kandrian

Ol Bosman Yupela Lukaut

Dia Edita.- Hia toksave bilong mi. Long ples bilong mi mi sindaun na harim nius long redio na harim dispela hap tok olsem "Localization". Man, mi tingting planti moa.

Asua bilong em i olsem, man ol makim i sanap long Open Iektoret bilong Manus yet ating i dai pinis. Mi no lukim em wantaim tu. Mi no harim maus bilong em.

Planti yia i lus pinis. Wanem samting i save go toktok long Haus Asembli? Ailand bilong mi i no gat inap graun bai mi stretim trabel bilong mi long husat?

Planti pipel long Manus i gat planti trabel bilong tokaut tu. Bai yu kisim na tokaut

tu long miting bilong Haus Asembli. Tasol i no gat. Maski long tingting bilong yu yet. Yupela ol bosman lukaut. Bai yupela bagarapim P.N.G.

Tingim papa i mas holim pikinini taim i laik lainim em long wokabaut. Em i olsem yu go raun long ol kaunsila bilong yu na helpim ol, nogut ol tu i olsem dispela liklik pikinini i laik lainim wokabaut.

Em tasol tok bilong mi. Sapos yu husat man yu gat tok long bekim dispela pas bilong mi. Rait tasol i go long Wantok. Mi redi pinis long baim laka.

Nick. S. Hipomson,
Lorengau.



Papamama Namba Wan Tisa

Dia Edita.- Mi wanpela skul tisa, na mi mekim wanpela toksave long ol papa na mama bilong ol skul manki.

Yes, ol papa na mama, wanem mining bilong dispela hap tok "tisa"? Na husat tru i namba wan tisa tru bilong ol pikinini? Tude planti manmeri i tingting olsem: Tisa em i ol lain manmeri i bin stap long skul long planti krismas na ol i go long fom 2,3,4, na ol i kisim tu save long skulim ol pikinini. Na ol i tok em ol dispela lain em ol namba wan lain tisa bilong ol pikinini.

Ol papa na mama, dispela tingting i no stret na i no tru. Yu papa na mama em yu namba wan tisa bilong ol pikinini, na ol manmeri yu save

kolim ol tisa em ol i namba tu. Ol i bilong helpim yu tasol. Lukim taim pikinini i laik stat long wokabaut, husat i skulim em? Mi tisa o yu papamama? Yu papamama laka? Ating yu save pinis tisa i no namba wan. Yu, yu namba wan long skulim ol pikinini bilong yu yet. Bihain i go long ol tisa.

Namba tu hap toktok bilong mi. Planti taim mi save lukim ol pikinini i go long ples ol i save hambak long yupela ol papa na mama. Na long dispela mi save wokabaut long rot na planti mama i save tok olsem, tisa, pikinini bilong mi i no save harim tok bilong mi. Tumora yu mas paitim em.

Asua bilong dispela i olsem, yu ting mi tasol

i tisa bilong em na yu nogat. Tasol yu olsem namba wan lida na mi namba tu. Mining bilong em yu namba wan tisa na mi namba tu.

Yupela i kisim gut save. Pikinini i go long ples em i bilong yu. Yu skulim em. Taim em i go long hap bilong skul i bilong mi tisa. Bikhet o hambap, pikinini i wokim long ples yu mas skulim. Yu no larim long tisa.

Yu na mi i tisa bilong ol pikinini, Yumitupela i wok wantaim bai samting i go stret laka? Mi raitim dispela long wanem mi bin tis pinis long 11-pela krismas na mi painim dispela kain pasin long olgeta hap. Em tasol, Mi wanpela tisa nem bilong mi.

Christian Kuem Sikien,
Manus Ailan

No Laikim Blak Kala Long Plak

Dia Edita.- Mi no hepi tru long toktok P. Arek i bin mekim long taim em i bin ritimaut ol ripot bilong en long Haus Asembli. Long 17 Mas mi bin ritim Wantok nius na mi bin painim toktok bilong senisim plak bilong bipo na putim tupela mak gen long makim tupela kain kala skin. Em RED na BLAK. Mi ting sapos P. Arek i tingim kain kala skin bilong em i gutpela long no ken putim blak kala insait long retpela plak bikos plak bambai i luk nogut.
Sapos olsem orait P.

Arek i no ken putim pipel bilong B/ville wantaim pipel bilong P.N.G. Larim B/ville i stap em yet. Bikos sapos pipel i miks bambai i gat moa trabel bihain. Larim retskin kala em ol yet na blak em ol yet. Lukim ol Negro na ol retskin long Amerika. Ol i no laikim ol Negro yet. P. Arek mobeta yu tingim taim bihain, olsem sapos yumi katim kantri long hap hap, bai i pundaun. Sapos yumi bungim wantaim, bai kantri i stap gut. Francis S. Mumis,
Bougainville

Kranki Tingting

Dia Edita.- Mi wanpela skul tisa na mi stap tis long St. Patrick's skul long Sassoia. Mi laik autim tingting bilong mi i go long stiaman na ol memba bilong Leba Pati long Wewak. Mi ritim Wantok niuspepa bilong Februeri 17 na insait long pes 6, mi ritim sampela toktok bilong dispela Leba Pati.

Long toktok bilong ol, mi ritim tupela samting.

1. Ol man i no mas pe long go long haus sik.

2. Ol man i no mas pe long go long skul.

Sori tumas ol wantok. Mi ting dispela em i wanpela kranki tingting bilong yupela. Nau yupela ting wanem? Sapos ol man i kamap memba long pati bilong yupela na ol i no putim sampela mani i go insait long pati, yupela i ting bai pati i ran gut?

Sori tumas, mi ting bai i no inap. Sapos no gat mani bai pati brukdaun kwiktaim tumas. Nau ol wantok, skul na haus

sik i wankain. Sapos ol yangpela manmeri i go long skul na i no pe, mi ting bai dipatmen bilong skul i no inap ranim wok bilong skul gut long dispela kantri.

Na tu sapos ol sikman na meri i no pe long go long haus sik, bai dipatmen bilong helt i no inap long ranim gut ol haus sik. Tru, yupela i tok ol wokman i mas kisim mani i go antap liklik. Tasol ol wantok, sapos yumi no peim takis i go long gavman na ol kain kain dipatmen bilong yumi, bai ol i litimapim pe bilong ol wokman olsem wanem? Mi ting bai i no inap tru.

Long wanem nau long kantri bilong yumi, yumi no gat mineral o bikpela bisnis long bringim mani i kam insait long kantri. Olsem na mi tok; tingting pastaim, orait mekim samting. Nogut yumi amamas nau na bihain yumi sori bek.

Franz Heminie
Sassoia



TINGIM GUT

Wok bilong niuspepa em i bilong skelim tok bilong ol Jida. Spika bilong Haus Asembli, Dokta John Guise, i bin tokim mipela: Wantok i mas tokaut sapos samting i kranki long kantri, sapos wanpela lain o sampela man i haitim tok, o hapim tok.

Nau mipela i ting wanpela lain i hapim tok. Long narapela wik wanpela nupela politikal pati i kirap, nem bilong en Nesenel Leba Pati. Ol i ilektim ofisa pinis, nau ol i bungim platform o as tingting bilong ol.

Wanpela as tingting bilong ol em hia: ol papamama i no mas baim skul.

Dispela tok em i pairap olsem gutpela gita musik long yau bilong sampela papamama. Tasol lukaut! Nogut em i hap tok tasol. Yumi i laik ol Leba Pati i stretim dispela wari bilong yumi.

Orait pren, nau yu harim. Bihain long independens gavman bai kisim mani we? Long han bilong yumi tasol, long takis tasol. Sapos yumi putim hevi long gavman, em i putim hevi long yumi. Na takis bilong yumi bai go antap moa moa yet.

Long tingting bilong mipela, sapos ol papamama i no baim skul, bai husat i baim? Yu tok: gavman. Yu tok: lokal gavman Kaunsil.

Long lokal gavman kaunsil i wankain. Em i save kisim mani long takis tasol. Na husat gen i mas baim bikpela takis? Em yumi tasol.

Orait. Wanem samting i mobeta? Yumi baim skul inap \$30? O yumi baim takis inap long \$50???? Nogut Leba Pati i putim kain tingting long platform bilong en bipo em i ken stretim dispela wari bilong yumi.

Em tasol wari bilong Wantok.

INSAIT LONG OL POLITIK

(I KAM LONG NEW GUINEA NEWS SERVICE)

OLGETA WAITMAN / MAS GAT WANPELA

laisens bilong wok wok

Ol i laik kamapim wanpela nupela lo bilong wok. Namba tu man bilong gavman, Mista Newman, i tok ol i laik mekim wanpela lo olgeta waitman i mas gat laisens bilong wok long Niugini. Nau ol loman long Port Moresby i stadi moa moa yet long raitim gut dispela lo bai ol i ken bringim insait long kibung bilong Haus Asembli long mun Jun.

Dispela laisens bilong wok em i wanem samting tru? Em i wanpela hap pepa olgeta Australia o arapela Yuropian i mas holim sapos em i laik kam painim wok long Niugini. I olsem ol i laik larim ol dispela kain Yuropian tasol i ken kam insait sapos em i save-man tru na i save mekim wanpela kain wok i no gat wanpela Niuginian inap long mekim yet. Dispela kain waitman tasol bai inap long kam wok long Niugini.

waitman nating

Bilong wanem gavman i mekim olsem? Long wanem i gat planti lida na man bilong politik bilong Niugini i bin putim hevi long ol ofisa bilong gavman long Canberra na long Port Moresby. Ol i no laikim ol waitman nating i kam kisim wok long Niugini na olsem ol i pasim rot bilong ol lokal pipel bilong holim dispela kain wok. Ol i ting ol Niuginian yet inap tru long bosim wok bilong ol rot na bris, bilong draivim ol buldok na trakta, bilong holim wok kamda na draiva, wok stuaman, na planti kain wok insait long ol ofis. Ol i ting ol waitman i pasim ples tasol na olsem planti Niuginian i no inap painim wok.

Bilong wanem gavman

tingting planti nau tasol long dispela nupela lo? Rasia na planti kantri bilong Afrika insait long Yunaitet Nesens i laik bai Australia i givim independens long Niugini. Ol Australia i bekim tok i spik: i samting bilong ol man bilong Niugini, sapos ol i laikim independens, orait ol i ken kisim. Australia i no laik harim dispela kain wok i kam long sampela arapela kantri na olsem em i hariapim pasin bilong givim ol wok na ol gavman i go long han bilong ol lokal pipel.

mekim gut

Australia i laik mekim gut bel bilong ol memba bilong Haus Asembli na ol lokal lida na olsem em i laik go het wantaim dispela nupela lo. Tude i gat samting olsem 24,000 manmeri i wok insait long gavman. Bilong dispela 7,000 i waitman. Planti ol dispela man nau i pret bai ol i lusim wok bilong ol.

Gavman i laik mekim hepi ol man bilong politik na olsem em i bin putim planti lokal pipel insait long olkain wok. Tasol planti taim dispela em i no isi.

I gat planti Niuginian ol inap long ol Australia long holim wok bilong ol. Yu lukim Mista


Serei Pitoei, siaman bilong Pablik Sevis Bot; na yu lukim Mista Paulias Matane, hetman bilong Bisnis Developmen. Tupela i win moa.

wok pepa

Planti lokal wokman i painim wanpela samting i hevi moa taim ol i holim bikpela wok. Em samting hia ol i kolim wok pepa. ...i olsem ol kain kain pas man i mas raitim, na wok wantaim olkain tiket na laisens na kat samting olsem man i ken painim long olgeta ofis. Planti lokal pipel i no save i gat planti kain wok ofis olsem. Planti i no laikim dispela wok na planti tu i no skul tru long en, na i no save long as bilong en.

Long olgeta nupela kantri tu i gat wanpela liklik trabel i save kamap. Ol lokal man wanpela dipatmen bilong gavman i laik givim gutpela wok long ol wantok bilong em, maski ol i gat gutpela save o no-gat. Dispela kain pasin em bai i as bilong planti trabel, long wanem i gat planti bikpela lain man long Niugini na olgeta ol i laikim sampela man bilong ol i gat gutpela wok. Tasol long pasin bilong helpim wantok, bai rot bilong planti i pas.

I tru yumi gat dispela pasin: sapos wanpela lokal wokman na wanpela Australia i mekim wanpela kain wok tru, waitman i save kisim moa pe. Tasol waitman i mas bekim 10¢ bilong olgeta wan dola em i winim. Em i takis



Mista Newman


bilong em; na i antap tru. Yu lukim: sapos em i winim \$10 long wanpela de, em i mas bekim \$1 i go bek olsem takis bilong dispela wanpela de yet. Takis bilong em i go inap long 5-pela o 6-pela dola long olgeta wik. Olsem tasol gavman i ken winim planti mani moa long em. Em i kisim mani, tasol gavman i kisim tu.

Orait, wanem samting i mobeta nau? Rausim ol dispela kain waitman na lusim tu ol takismani bilong ol? O larim ol i stap?



Em hia wanpela meri i kisim trening long wok kuskus bai em i ken holim wok nau sampela misis i holim.

OLGETA HARIM GUT!



Dispela sop pauda, ol i kolim "COLD POWER" i nambawan tru. Em i wasim na rausim tru ol kainkain pipia long ol klos bilong yu.

Dispela sop pauda i gat wangepela kain strongpela marasin long en i save mekim save tru long rausim ol kain pipia – long ol klos.

Yu ken usim wara long tang or long wara nating. Dispela i kol wara. Sop "COLD POWER" i strong moa na i ken rausim ol pipia long klos bilong yu.

Planti Nupela Iektoret

Siaman bilong bosim ol iektoret, Mista Simon Kaumi, i tok ol i bin makim 13 nupela iektoret i ken putim memba bilong ol insait long Haus Asembli long yia 1972.

Selek Komiti yet, insait long ripot bilong en, i bin tok gayman i mas makim dispela 13 nupela iektoret. I olsem nau i gat 82 open iektoret; bipo i gat 69 tasol. Na bikos olgeta distrik i gat wanpela rijional iektoret bilong en yet, - olgeta kain iektoret wantaim i kamap long 100.

Iektoret Banderi Komiti i bin wokim sampe-la map o piksa bilong ol arere bilong ol dispela iektoret. Dispela yu ken lukim long lokal gavman kaunsil. Sapos man i no laikim ol nupela arere bilong iektoret, em i mas tokaut bipo long 10 Ogas. Em i mas salim pas i go long Chairman Electoral Boundaries Distribution Committee, P.O. Box 153, Port Moresby.

Ol nupela iektoret i luk olsem nau:

Bougainville: (3)

Central
North
South

Central: (5)

Goilala
Kairuku-Hiri
Moresby Coastal
Moresby Inland
Rigo-Abau

Chimbu: (7)

Chimbu
Chuave
Gumine
Karamui-Nomane
Kerowagi
Kundiawa
Sinasina

Eastern Highlands: (7)

Daulo
Goroka
Henganofi
Kainantu
Obura
Okapa

East New Britain: (4)

Gazelle
Kokopo
Pomio
Rabaul

East Sepik: (6)

Angoram
Drekikir
Wewak
Wosera-Gau
Yangoru-Saussia

Madang: (6)

Bogia
Madang
Middle Ramu
Rai Coast
Sumkar
Usino-Bundi

Morobe: (8)

Bulolo
Finschhafen
Huon Gulf
Kabwum
Lae-Bukaua
Markham
Memyamya
Nawae

Southern Highlands: (7)

Ialibu-Pangia
Kagua-Erave
Koroba-Kopiago
Mendi
Nipa
Poroma-Komo
Tari

Western Highlands: (11)


Dei
Hagen
Jimi
Kandep-Porgera
Kompaim-Baiyer
Lagaip
Mul
Tambul-Nebilyer
Wabag
Wahgi
Wapenamanda

West Sepik: (4)


Bewani
Upper Sepik
Wapei-Nuku
West Sepik Coastal
Long Galp, Manus, Milne Bay, Western, Nu Ailan,



Mista Nason Tokiala i mekim toktok taim ol i opim nupela Ralokor Klap long hap bilong Rabaul. Dispela nupela klap j bilong ol man bilong olkain skin. Kiap bilong Rabaul, Mista Emmanuel, i opim.



Wara, wara, planti wara. Dispela piksa em i soim haus balus long Wewak long taim bilong bikpela ren.



leba pati

Samting olsem 60 pipel bilong Sauri, Krier, na Koiken i bung long Wewak long makim ol namba wan ofisa bilong nupela Nesenel Leba Pati.

Waspapa bilong Pati, Mista William Hawarry, i tok namba wan wok bilong dispela nupela pati em i bilong pait long kisim bek sampela graun long gavman.

Mista Hawarry i tok as tingting o platfom bilong Leba Pati em hia: tekewe olgeta pe bilong baim skul na haus sik, na

na Wes Nu Briten distrik ol i no kisim sampela nupela iektoret.


Long Wes Nu Briten ol i senisim nem bilong iektoret tasol bipo em i Kandrian-Pomio. Nau em i Kandrian-Gloucester.

apim pe bilong ol wokman moa moa yet.

Bihain long kibung samting olsem 150 pipel i tromoim wan dola na i putim nem long buk bilong Leba Pati. Wan dola moa ol i tromoim bilong baim wanpela loman bilong helpim tok bilong ol long kisim bek graun.

Em hia nem bilong ol nupela ofisa bilong pati: Presiden: John Kasawa; vais-presiden: Andrew Morikava; kuskus: Lawrence Kumkanere; tresara: Benedict Maira.

Long kibung ol man i orait long bung wantaim na wokabaut igo long ofis bilong kiap. Ol i laik karim ol tamiok na bilas samting i go bek long kiap. Ol i tok bipo ol i kisim pinis dispela ol samting olsem pe bilong graun tasol nau ol i laikim mani stret.





WIL BALUS BILONG

ANSETT

YU LAIK FLAI LONG WANEM HAP
ANSETT I HEPI LONG KARIM YU I GO

Ansett I Gat Olkain Balus
Smok Balus Tri Ensin Tu Ensin Wan Ensin



We're inaugurating new services all the time. Like our new daily services to Kieta (Bougainville). And now we've made application for the right to fly direct to the American-owned island of Guam. Our fleet of modern aircraft has been increased by the addition of the brand new Twin Otter 300 series. Our staff is continually increasing and so are our world-standard facilities. In every way Airlines of Papua-New Guinea is truly representative of the vigorous growth of the Territory. Together, we're really going places.

ANSETT AIRLINES OF PAPUA NEW GUINEA
in conjunction with Ansett Airlines of Australia.




BALUS

Ol liklik balus i opim pinis planti hap bilong Niugini, taim i no gat ol rot yet i stap. Sapos i no gat helikopta bai ol bikipela masin i go insait long bus olsem wanem? Yumi gat 145 balus na 400 ples balus i wok long Niugini tude.

ROT

Ol rot bilong Niugini i bin opim ol Hailans na hap bilong Maprik na Nu Ailan na Rabaul. Yumi gat 7,000 mail rot. Yumi inap ran long ol long ol ka na trak na trakta na wilwil na motabaik. Long wanpela de yumi inap go longwe moa.



pasin autim

WORLD COMMUNICATIONS


Komyunikesens em i bikpe tok. Em i min olgeta samta i ken bringim mi yet, ting ting bilong mi, na toki bilong mi i go long ol narapela man.

Niugini i bin go het planti long 20 yia i go pibikos yumi planti kain yumi gat planti kain pas bilong bungim save bilong yumi. Yumi gat skul na rek na buk na rot na ka na tupla bikipela tok: pisin inglis. Ol dispela samta i gat biknem komyunikesens. Long dispela pes yumi ke lukim planti kain pasin a



SING - SING

Singsing tu i ken autim tingting bilong yumi. Yumi gat singsing bilong sori, bilong marit, bilong lotu, bilong kanu, bilong nupela haus, bilong yam na tumbuan. Yumi paitim kundu na gita, yumi winim taur na mambu. Harim Mendep, Emeru, Woa.





TELEPON

Long telipon yumi save toktok wantaim man i stap longwe. Tok bilong yumi i bihainim wanpela waia. Long Madang yumi ken toktok wantaim Port Moresby, Lae, Rabaul, Mt. Hagen, Goroka, Wewak, na planti arapela ples. Yumi inap bungim Amerika yet.

SIP

Long ol sip yumi man i save makim wokabaut bilong ol pis. Yumi save ran long ol bot, kanu, por, pinas, selbot, manua, samarin, motabot. Na i gat swimbalus tu. Namba wan man i painim Niugini em i kam raun long dispela hap long sip tasol.



Bilong ngting

MAY 23rd. -- 1971

Autim tingting. Ol sam- hia i soim bel bilong long arapela man. Sapos bilong yumi i singsing p o kraï, kwiktaim man i save sapos yumi belhat o kraï, sapos yumi laik o no laik.

Em i no inap sanap wanpis. Em tu i gat ai na yau aus na han na bodi...ol wela i soim insait bilong Olsem wanem? Long rait, kaving, long garamut, piksa, long singsing, bilas, long klos, long haus. Em ol samting yu- olim komyunikesens.

REDIO

Redio i save salim ol- geta kain tok na musik i flai long win. Em inap kam insait long olgeta haus na ples; yu no ken banisim tok bilong en. Pikap tu na teprikoda i ken kisim tok bilong yumi. I gat samting olsem 300,000 redio hia.



TOKTOK

Olgeta man long graun i save toktok. I gat moa olsem 3,000 tok ples; na long Niugini yumi gat 700 samting. Wanpela samting long Niugini i win moa long bungim ol pipel em tok pisin tasol. Nau gavman i ken tok long olgeta man; bipo, nogat.

NIUS - PEPA

Hia yumi laik tingting long olkain rait na prin na buk na pepa. Taim yumi rait long han, yumi mekim bilong autim tingting bilong yumi. Yumi save dro o malen. Salim pas i go, kisim ripot i kam - em hia ol pasin bilong autim tingting.



PIKSA

Man i penim piksa em i oltaim autim tingting bilong em tasol. Piksa i ken stori long yumi, piksa na poto i ken pulim yumi, grisim yumi, givim gutpela o rabis tingting long yumi. Film i gat toktok em i ken skulim yumi long ol man na ples.

MAK

Planti mak moa i gat mining o toktok insait long en. Yu ting tasol long han tambu, long plak na long kruse, long sain i stap arere long rot. Ting long medal, long laisens, long smolbis, long skin i karamap long graun na ai ol i penim.



GARAMUT

Long garamut yumi min olkain pasin bilong salim tok i go longwe long pasin bilong Niugini stret. Olsem long winim taur na paitim belo na singaut strong na tanim glas na mekim paia na salim tanget i go.

MIPELA BILONG NAMASU!



MI WAREO—Mi bin lukautim benk bilong NAMASU long 10-pela yia.
MI KATE—Mi save paitim mesin long NAMASU ofis.
MI CHIMBU—Mi namba tri yia "Klerikal Aprentis." Mi skul olgeta long bisnis.
MI AUSTRALIA—Mi save raun long lukautim olgeta stoa bilong NAMASU.
MI SALAMAUA—Mi Kepten bilong sip. Mi bin wok wantaim NAMASU long 10-pela yia tu.

ATING YU TU I LAIK WOK WANTAIM



TIRED?

DEPRESSED?

CAN'T GET THAT ZEST
FOR LIFE FEELING?

IF THE ANSWER IS YES, THEN IT'S
TIME TO START TAKING MYADEC - THE
HIGH POTENCY, VITAMIN MINERAL
CAPSULE.

SO EASY TO TAKE, ONE A DAY IS
ALL YOU NEED TO RESTORE VIGOUR
AND VITALITY TO THE SYSTEM.

PRICED AT \$2.25 FOR 30 CAPSULES
\$6.00 FOR 100 CAPSULES

AVAILABLE FROM:

RABAUL PHARMACY

P.O. Box 76

PHONE: 2504

THE MELANESIAN COUNCIL OF CHURCHES
invites applications for the position of
EXECUTIVE SECRETARY
Closing date for applications: 30th June 1971
Further details may be obtained from the
Assistant Secretary MCC, P.O. Box 1015, Boroko,
T.P.N.G.

stori bilong tumbuna

Wanpela wara i stap klostu long Henganofi, Nem bilong dispela wara em i Dotiwara. Het bilong dispela wara i gat wanpela hul bilong ston i stap, nem bilong dispela hul bilong ston. Bengilole.

Bipo tru planti man ol i stap long wanpela ples. Long dispela ples meri bilong wanpela man i karim pikinini. Na ol man bilong dispela ples ol i laik givim kaikai. Na ol i laik givim kaikai long lain bilong dispela meri i karim pikinini. Tasol long dispela taim i no gat planti pik na kakaruk. Olsem na ol i ting long ol i go slip long bus na painim sampela abus.

Na ol bikpela man ol i bungim ol yangpela man wantaim ol strongpela man. Na ol i karim banara na spia samting bilong ol i go long bus, tasol ol i no i go nating. Nogat, ol i kisim sampela kaikai tu wantaim.

Ol i wokabaut i go longwe long bus inap long 20 mail samting. Na ol i painim wanpela hul bilong ston long bus, na ol i go putim olgeta kago bilong ol long dispela hul bilong ston. Na ol i redim paiawut samting pinis na ol i slip long hul bilong ston.

Ol i slip 5-pela de long dispela bus pinis, na long namba 6 de olgeta ol i go slip insait long dispela hul bilong ston. Tasol long dispela


nait wanpela man tasol, i no kam slip wantaim ol. Bilong wanem? Dispela man i wok long lukautim ol abus long dispela nait. Tasol dispela hul bilong ston ol man i slip long en, arapela ston i pundaun na i pasim maus bilong hul. Na i no gat rot bilong ol man i slip insait i kam ausait. Nogat tru. Bihain dispela man i bin raun long bus i kam, na painim hul bilong dispela ston bilong slip. Tasol em i pas pinis na em i sori nogut tru long sampela pren bilong em ol i stap insait long hul. Na em i slip aninit long wanpela diwai, na long hap nait, yet em i kirap i go long ples. Em i autim dispela stori long sampela wanblut bilong ol i stap long ples, na ol i go bek long dispela hul bilong ston long bus. Na ol i wok long sori, na ol i katim ia, na han samting bilong ol. Na ol i kraik pinis na ol i kam bek long ples.

Na nau long dispela taim hul bilong dispela ston i op i stap, na mipela yet i save i go insait long hul bilong dispela ston na lukim bun bilong tumbuna bilong mipela.

Tasol papa bilong mipela ol i tok: "Em i bun bilong ol tumbuna bilong yupela. Bipo ol i bin slip long hia na ol i dai". Ol i tokim mipela olsem na mipela i bilipim tok bilong ol.

Na mipela yet i lukim tu dispela bun bilong tumbuna bilong mipela. Nau long dispela taim, sapos yu husat i laik kam lukim dispela hul bilong ston orait, yu mas i kam long Henganofi pastaim, na bihainim wanpela baret i go antap na lukim.

Robert Nore,
Kainantu.



'READ'

THE LITERACY AND
LITERATURE MAGAZINE

- Published Quarterly
- Subscription \$1 yearly

The Editor, Box 43,
P.O., Ukarumpa, E.H.D.

wok kaunsil



O yes, ol brata bilong mi, yumi olgeta i pilim bikpela hevi long ol dispela lain manki ol i kolim 'Skul Liva'. Em ol dispela lain manki ol i pinis skul long St.6 o Form 2 na ol i no inap skul moa o painim wok. Ol i raun nating long taun o pilai nating long bus o nambis.

Bilong wanem ol i mekim olsem? Ol i no gat wanpela samting ol i ken mekim. No gat wok, no gat bisnis, papa tu i no redim wanpela bisnis bilong pikinini. Orait ol i raun nabaut nating. Asua bilong husat? Mi ting i no asua bilong pikinini, i no asua bilong gavman. Em i asua bilong ol papa wantaim kaunsil tasol. Bilong

wanem mi tok em i asua bilong ol papa wantaim kaunsil? Bikos ol papa wantaim kaunsil i no laik redim samting long as ples yet bilong skulim ol pikinini long ol we na rot bilong kisim gutpela save long ol wok didiman.

Oltaim yumi krai long gavman i wokim samting bilong helpim ol pikinini. Tasol gavman i no inap. Yu lukim ol dispela kain skul ol gavman i wokim pinis bilong ol skul liva ol i kolim 'Vokesenel Skul'.

Bai yumi ken stretim olsem wanem? Tingting bilong yumi ol YC lida i olsem. Papa wantaim kaunsil i mas go insait long ol dispela wok na bosim. Kaunsil i mas

makim graun bilong wanpela kain skul bilong didiman. Kaunsil i no ken makim liklik hap graun, o wanpela hap graun nogut. Nogat. Ol i mas makim wanpela bikpela gutpela hap graun na givim long dispela skul. Kaunsil yet i mas bosim ol wok insait long skul. Kaunsil yet i mas makim ol wanem kain wok tru bai i kamap insait long banis skul. Olsem --- sapos kaunsil wantaim ol papa i tingting long skulim ol boi long wok bulmakau, orait skul i wok long dispela samting. Sapos kaunsil i laik skulim ol long wok kopra o kopi, orait dispela kain wok bai i kamap insait long skul. O sapos ol i laik kirapim wok bilong paul o pik, orait ol i ken mekim.

Wanpela samting moa. Papa yet i mas salim pikinini bilong em long dispela skul. Pikinini yet i no ken go nating. Papa yet i mas tokim pikinini olsem; 'Yu go

long skul na save long ol we na rot bilong kamapim gutpela bisnis bilong bulmakau kain bisnis bilong bulmakau. (o wanem kain bisnis papa i laik). Mi yet bai mi redim graun bilong yumi long ples na stat long kirapim bisnis. Taim yu pinis, orait yumitupela i ken wok wantaim long graun bilong yumi bisnis.'

Sapos papa wantaim kaunsil i wok olsem, mi ting bai planti ol dispela skul liva i ken amamas long go long dispela kain skul. Bai ol i no ken tingting long ranawe long taun samting. Bai ol i tingting long bisnis bilong ol na sindaun bilong ol long ples na bai ol i strong tru long kisim save long mekim ol dispela kain wok.

Yupela ol papa, yupela ol kaunsila, yupela ol skul liva, yu ting wanem? Em i gutpela aidia o nogat? Yumi inap mekim tu o nogat?

Olgeta tok
i stap long dispela niuspepa
ol i bin paitim pastaim
long wanpela masin bilong rait,
nem bilong em . . .

Olympia

TERRITORY AGENTS

BRECKWOLDT & CO. (N.G.) PTY. LTD.

PORT MORESBY
P.O. Box 1549, Boroko.

MADANG
P.O. Box 185.

LAE
P.O. Box 557.

RABAUL
P.O. Box 222

MT HAGEN
P.O. Box 237.

WEWAK
P.O. Box 178.

KIETA
P.O. Box 72.

Planti pipol oli askim

Tutt Bryant emi gat wonem samting long stoa bilong ol.

Emi gat planti kain masin nau sperpat long en tu. Nau hia yu lukim sampela mipela igat long stoa long mipela. Sapas yu laikim orapela samting bai yu askim long stoa long mipela long wonem TUTT BRYANT igat planti samting long ol masin, moto nau orapela samting.
Em hia mi kolim sampela tasol mipela.

ALLIS CHALMERS <i>(earth moving equipment)</i>	LIGHTBURN <i>(cement mixers)</i>
APAC <i>(lift gear)</i>	LINCOLN WELDERS
AVIS RENT-A-CAR	KAWASAKI OUTBOARDS
BEDFORD <i>(trucks)</i>	KITTEN <i>(automotive products)</i>
BROOMWADE COMPRESSORS	MERCURY OUTBOARDS
CARIBBEAN BOATS	MICHIGAN LOADERS
DAIHATSU	MONROE-WYLIE AUTOPARTS
DUFFIELD HOSES	ONAN <i>(engines and generator sets)</i>
EQUIPMENT INVESTMENTS <i>(hire purchasing and leasing facilities)</i>	PACIFIC-ACE EQUIPMENT
FIAT TRACTORS	PACIFIC PUMPS
FIRESTONE TYRES	P.E.P. <i>(automotive products)</i>
GENERAL MOTORS HOLDEN	PERKINS DIESEL
GENERAL MOTORS <i>(diesel)</i>	PHOENIX ASSURANCE
HEALTHWAYS DIVING EQUIPMENT	SMITH'S INSTRUMENT
HOWARD <i>(Agricultural)</i>	SUZUKI MOTOR CYCLES
I.S.S. <i>(safety equipment)</i>	VOLVO-PENTA <i>(marine engines)</i>
	YANMAR DIESEL
	YOKOHAMA TYRES



Tutu Bryant Pacific Limited

BRANCHES: PORT MORESBY, LAE, GOROKA, MADANG, RABAU, KIETA
AGENTS: MT. HAGEN, WEWAK, HONIARA (BRITISH SOLOMONS)
WRITE: P.O. BOX 326, PORT MORESBY, T.P.N.G.

KRISTEN PRES i wokim kain kain buk bilong strongim bilip na bilong sanapim gutpela pasin na sindaun na bel isi bilong ol manmeri na ol pikinini.

Nau yu ken baim dispela buk:

Pasin Bilong Kristen Mama

Em i soim wok bilong ol mama long lukautim haus na kaikai na klinpasin na pilai bilong ol pikinini na gutpela rot bilong prea na song na amamas.

Salim oda i go long:



KRISTEN PRES

Sales Division
The Christian Book Centre
Box 222, Madang

Raphael Rambaremba (long raithan) na Wesley Kwaimani (raithan tru) nau tasol i statim kos long wok kamda i go inap 4-pela yia. Skul kamda hia i stap long S.I.L. long Ukarumpa, klostu long Kainantu. Tupela man i bilong Boiken Viles, Yangaru. Wampela man moa bai i skul long wok kamda na wampela long wok plama.

WANTOK - Trinde, Me 19 - Pes 12

helpim bisnis bilong yu

Bisnis Advaiseri Ofisa

Nambawan man tru bilong helpim ol bisnis em i bisnis advaiseri ofisa. Dispela man i save tumas long olkain samting bilong ol takis, na lo, na pasin bisnis, na long ol mani.

Dispela bisnis ofisa em i no bosim bisnis bilong ol lokal pipel. Nogat. Em i stiaman tasol. Em i no save go long yu na toktok long ol bisnis; nogat. Yu yet yu mas kam long em. Na long 2-pela yia i go pinis i gat 4,000 man i bin kam lukim ol bisnis ofisa.

Planti man i laik kirapim bisnis tasol ol i no save bai ol i mekim wanem. Orait, yu go long bisnis ofisa na em bai i skulim yu, helpim yu. Em tu i ken helpim yu sapos yu laik dinau long Developmen Beng. Em bai i ken skulim yu tu long kain kain pasin bilong yusim mani bilong yu bai em i ken winim moa mani.

Bisnis i no isi samting na gavman i laikim planti lokal bisnisman moa i kamap; olsem tasol kantri i ken go het.

Long Port Moresby na

long Rabaul bisnis ofisa em inap dinau long wampela liklik stua bai nupela bisnisman i ken kirapim bisnis bilong em. Bihain bai bisnis i ran gut, man inap baim graun na wokim wampela stua bilong em stret.

Liklik taim bai gavman i wokim bikofis bilong ol bisnis long Goroka na Lae na Madang na Kieta.

Gavman tu i laik painim sampela man long ol haiskul i laik kisim trening long dispela kain wok. Gavman i laik bai i gat 20 lokal bisnis ofisa long 1972 na 27 moa bai i stap skul. Wampela bikskul olsem em i Lae Tek Skul. Kain kos olsem i go inap tu yia.

Olgeta man i tingting long kirapim wok bisnis o helpim bisnis bilong em, em i mas go lukim lokal bisnis ofisa.





world news

ferry boat sinks

SAIGON: Thirty six South Vietnamese civilians were killed recently when a ferry boat was sunk in the Cua Viet River after it struck an underwater mine.

The boat sinking was listed as one of 51 violations of the 24 hour truce to mark Buddha's birthday.

In another incident a Buddhist monk burned himself to death during a demonstration. While 500 people watched, he poured petrol over himself in the city of Hue and lit a match.

The monk left two letters....one for South Vietnamese President

Thieu and one for President Nixon.

mauten i pairap

NU SILAN: Wapela mauten long Nu Zilan, nem bilong en Ruapehu, i pairap na klostu i kilim indai 4-pela saveman ol i bin wok antap klostu long het bilong mauten.

Planti pipia na graun wantaim hatwara na ston i sut i go antap inap 5,000 fit. Bihain i kapsait i kam daun gen na ol saveman hia i hatwok long kamap long helikopta bilong ol.

the Atlantic ocean a few minutes after being launched last week at Cape Kennedy, Florida.

The spacecraft designed to orbit Mars after a 287 million mile voyage dropped into the sea about 900 miles south east of the launch site. The failure was blamed on an electrical fault.

kalap nogut

BOUGAINVILLE: Ol man bilong Bougainville i kalap nogut tru long harim olkain trabel na pasin nogut bilong pait i kirap namel long ol wokman bilong kopa kampani.

Lokal gayman kaunsil bilong Kieta i me sen pinis long kopa kampani i mas rausim ol trabelman na paitman na salim ol i go bek long ples. bilong Kieta ol i pret tumas long wokabout long ol rot klostu long kopa kampani.

atomic power station

SYDNEY: Plans to build Australia's first atomic power station at Jervis Bay, on the southern coast of New South Wales are now almost certain to be abandoned.

This would keep Australia out of the nuclear power era until the early 1980's.

The atomic power station favored by the Government's advisers - a British steam generating heavy water power plant - would cost \$200 million, an unexpectedly large amount.

going home

SAIGON: All American troops apart from advisers will be out of South Vietnam by November 1972 U.S. Presidential elections, senior military sources said recently.

satellite fails

NEW YORK: An Atlas Centaur rocket carrying the first two \$59 million Mars satellites dropped off course, lost control and plunged into

Do You Know

In 1970 New Guineans produced:
45% of the cocoa - 43,800 tons.
29% of the cocoa - 5,833 tons.
66% of the coffee - 14,942 tons.

It costs the Government \$15,200,000 a year to pay for hospital and health services.

There are 1,764 registered schools in New Guinea, with 240,351 pupils in them.

There are 42,740 people working for the government.



Dispela balus long lephan nem bilong em Concorde em i bilong England wantaim France. Em i winim olgeta arapela balus long Karim ol pasindia hariap tumas. Sapos em i lusim Port Moresby em i kamap Rabaul, Kieta o Wewak insait long wan hap aua tasol. Ol balus nau i mas flai inap tripela aua.

Mani Pipia Nating

Wanpela lain man bilong Pomio long Is Nu Briten i kam long Ministerial Memba bilong Edukesen, Mista Matias Toliman, na ol i strong ol i laikim wanpela vokesenel skul. Em i tokim ol, sapos ol i baim, bai ol i ken kisim.

Orait, long neks de 200 manmeri i bung long haus bilong Mista Toliman, wan wan i kamap long tebal bilong em, i

kapsaitim wanpela liklik basket pulap long ol silvamani. Bihain em i kaunim mani pinis na em i painim ol mani hia i go inap \$10,000 (ten tausen dola).

Mista Toliman i kalap nogut tru na i tok amamas long ol. Em i laik lukim planti arapela man i bihainim dispela gutpela eksampel bilong ol Kol pipel.



Em hia 3-pela soldia bilong 1 PIR (Port Moresby) i rausim kago long bikpela balus bilong ami ol i kolim C-130. Piksa hia ol i kisim long Is Nu Briten long Jacquinet Bay. Ami i putim wanpela kem long dispela ples na nau ol i patrol. Nem bilong 3-pela soldia em hia: Lens-kopral Mutuaina bilong Rabaul, Praivet Ahken bilong Manus, na Kopral Maike bilong Bereina.



Long Epril wanpela manua, nem bilong em H.M.A.S. Tarangau bilong Manus Ailan, i winim 21 krisman pinis. Samting olsem 400 sela i pati long dispela samting. Poto i soim sampela man bilong nevi i kam bek long namba wan trening bilong ol. Yumi lukim (kirap long lephan) Ray Veratau (Saroa viles), Francis Loksi (St. Jude's H.S.), Luke Sawyie (Madang H.S.), Jawising Martin (Bumagong H.S.), na Aile Silitari (Bipi Ailan).



Wanpela lain lokal bisnisman, nem bilong ol Poka Kopi Dilas, i wok long baim kopi bilong ol pipel bilong Mt. Hagen. Long poto yumi lukim bosman bilong nupela kampani, em Mista Joseph Dos, em i wok wantaim wanpela masin bilong klinim kopi.

**WEWAK
CHRISTIAN
BOOKSHOP**



KISIM SAVE

BUK BILONG OL SUMATIN - \$1.00 TASOL.

BUK BILONG TISA - BUK 1 - 95¢

I GUTPELA BUK BILONG OL PISIN SKUL

Oda long **WEWAK CHRISTIAN BOOKSHOP**

Box 169. Wewak.

Quantity discount available.

Kaunsi nius

Mt. Hagen

Long Mt. Hagen ol i no gat inap mani long wokim wanpela nupela haiskul olsem ol i ting long kirapim nupela pasin long skul. I go olsem: ol man i stap long skul bai ol i skul long 6 klok morningtaim inap long belo, na ol man i mas wokabaut olgeta de ol bai i skul long belo inap 6 klok long apinun. Ol i wetim orait bilong Dipatmen bilong Edukesen long Mt. Hagen yet.

Ol man bilong Dei Lokal Gavman Kaunsi i wok long bungim \$20,000 bilong kamapim wanpela koprativ sosaiti. Ol i ting samting olsem 2000 manmeri i laik putim mani insait long sosaiti. Sosaiti hia i laik bungim olgeta wok kopi.

Wanpela man bilong save tumas long wokim rot, em Mista Bruce Hannan, i bin go raun nabaut na i tok planti pipel i no save gut long pasin bilong fiksik rot na olsem planti rot tumas i bagarap long ren. Ol i no save gut long wokim baret long arere bilong ol no ken wokim moa rot sapos ol man i no inap stretim olupela rot.

Tasol wanpela man bilong Mt. Hagen i tok long dispela distrik ol i gat moa rot olsem olgeta arapela distrik.

Laiagam

Lagaip Kaunsi i makim \$66,000 bilong olkain wok bilong dispela yia. \$5,000 bilong ol haus \$5,500 - wok didiman \$7,000 - long ol skul \$10,000 - somil, woksap

Ol mani hia ol inap kisim long ol takis ta-

sol. Ol man i takis long \$6. dola na ol meri long 20¢ (sens) tasol.

Lagaip Lokal Gavman Kaunsi i kisim wanpela hap moa i kam insait long distrik bilong en. Olsem nau em i gat samting olsem 29,500 pipel. Nau ol kaunsi tu i go inap 33; bipo ol i gat 19 tasol.

Rabaul

Baining Kaunsi i laik gavman i makim gut arere bilong bikbus em i bin baim long hap bilong Kerevat long yia 1951. Nogut ol man i no save na i go kalapim mak na wokim gaden. Bihain gavman i katim ol diwai pinis, dispela graun i kam bek long ol Baining yet.

Ol Baining i laik kibung wantaim ol Gazelle Kaunsi na stretim tok long ol nupela man i sindaun long Vunapaladig na Mandres. Ol i tok ol man bilong dispela tupela ples i mas baim takis long ol Baining yet. Ol nupela man hia i ken i gat sampela man tu insait long Baining Kaunsi. Bihain ol tok i pinis, orait ol Baining i ken makim mani bilong helpim ol dispela ples.

Poroma

Samting olsem 3,000 pipel i lukim ol i opim nupela gavman kaunsi hia.

Kaunsi hia i gat 14 wot na 29 kaunsi. Ol i bosim 7,509 pipel.

Ol pipel i mekim wanpela singsing na ol i kilim 800 pik na wanpela bulmakau.

Goroka

Ol man bilong Wahgi na bilong Wabag i bin makim tupela deliget bilong go long bikpela Hailans Lokal Gavman Konprens long Goroka long mun Jun. Tupela man hia: Mista Nopnop Tol bilong Wahgi na Mista Tambai Lemban bilong Wabag.

Bai i gat 8-pela deliget olgeta i kam long Goroka. Mista Nopnop na Mista Tambai bai i go long Port Moresby long bikpela kibung moa.

Port Moresby

Teritori Edukesen Bot i laikim tumas ol lokal gavman kaunsi i baim haiskul bilong ol boi na meri, papamama bilong ol i no inap tromoim \$30. Olsem tasol ol i ken helpim ol wanples bilong ol long kisim bikpela save.

Wewak

Wewak/But kaunsi i pinisim wanpela nupela haus buk (laibreri) i kostim \$10,000. Em i namba wan taim wanpela kaunsi i wokim wanpela haus buk. Dispela haus ol i skruim long haus kaunsi yet na em inap long bungim 7,000 buk.

OL KAUNSI KUSKUS

Salim ol kaunsi nius i kam long mipela. Salim planti na bai mipela i pulapim wanpela pes olgeta. Tenkyu.

HARIM!



Yu laikim nambawan kain piksa i klia long kamera bilong yu? Orait, yu mas salim ol film bilong yu i go long Rabaul Photographic bai ol i wasim na prinim piksa. Yu putim wan dola insait long skin pas wantaim film na salim nau tasol i go long:

RABAU PHOTOGRAPHIC



P. O. Box 164, RABAU

KLASIFAIT

PABLIK NOTIS

PRE BUK. Yu laikim buk long beten long nait? Salim pas long Booklet, Box 1096, Boroko. Kisim nating.

Wantok Publications,
P.O. Box 298, Wewak, i
wokim, na Wirui Pres
long Wewak i prinim.



Sampok i
Ning
Tori
kam
pa
ni

Sapos yu laik kisim niuspepa WANTOK yu mas salim dispela hap niuspepa i kam bek wantaim \$4 (foa dola). Adres bilong mipela em hia:
WANTOK PUBLICATIONS INC.,
P.O. BOX 298, WEWAK.

NEM BILONG YU HIA:

ADRES BILONG YU HIA:

FOA DOLA

sapos yu salim \$4 (foa dola)
bai mipela i salim WANTOK
long yu inap long

WAN YIA

Sori, mipela i mas apim prais bikos ol i apim prais bilong salim ol pas.

6-pela taim.....1.00	18 taim.....3.00
12-pela taim.....2.00	24 taim.....4.00



FOA MANI LONG WOKMAN

Asemlu i bin orait long ol 600 wokman bilong lain i mas im moa pe. Long yia 1971 ol i kisim \$11.80 long rotnait os ol i wok mani stret. Bihain pe i go antap moa yet.



I tu ol man o ofisa i pinisim long gavman i mas kisim moa malolo o pe lip. Man i mas gat kribmas o wok wantaim gavman ap 35 yia bilong kisim pe lip.

Yman tu i strong ol bisnisman mas skulin moa Niuginian long sin bilong ranim bisnis na kipim bisnis bilong ol yet.

Sta Toua Kepena, ministerial memba long bosim ol wok i toktok wantaim mipela wokman long ti faktori long djip long Hailans

Sta Nasson Paulias, hetman bilong geta skul long ia Sepik Distrik, i vim astifikat long tisa Michael keke bilong Aitape.

19,841 Pinisim Standat 6 Pop i Kam Lukim

